

ra concedantur Religiosis habitantibus in Nouo Orbe & Indorum conuersioni, manutentioni, & profectui intendentibus. Nam primo cum per literas Imperatoris Caroli. 5. Religiosi in partes has Indiarum fuerint destinati ad prædicandam verbum Dei, & ad instruendos in fide Neophitos, & manutendū & confortandum infidele [iuxta præceptum Pōtificis Alexandri 6.] sint missi perinde est, ac si per Pontificem Summum mitterentur.

¶ Et similiter quia Reges Catholici per suas literas Regias prouident, vt Religiosi libere suis vtantur priuilegijs à Pontificibus concessis: etiam idem est, ac si Pontifex ipse speciales de hoc dirigeret literas. ¶ Eadem ratione cum expresse per Reges Castellę sit præceptum, vt Religiosi possint edificare domos pro Religiosis vbicūque fuerit necessariū p̄ instructione Neophitorū: vt patet in expressis literis ad triū Ordinum Prouinciales specialiter directis. Sequitur posse Prouinciales sine aliqua requisita licentia accedere ad loca vbi ipsi iudicauerint expedire, & ibidem posse edificare domum ad habitandum, sicut si per Pontificem esset concessum.